



Bosnia and Herzegovina
Federation of Bosnia and Herzegovina
CANTON SARAJEVO
Ministry of Physical Planning Construction and
Environmental Protection

Broj: 05-23-28145-31/19
Sarajevo, 15.08.2019.godine

SKUPŠTINA KANTONA
N/r gosp. **Elmedin Konaković, Predsjedavajući**
OVDJE

Predmet: Obavještenje vezano za inicijativu zastupnice Vildane Bešlija

Ministarstvu prostornog uređenja, građenja i zaštite okoliša dostavili ste zastupničko pitanje zastupnice Vildane Bešlija postavljeno na Dvanaestoj radnoj sjednici Skupštine Kantona Sarajevo, održanoj dana 24.07.2019.godine u okviru tačke Dnevnog reda "Poslanička pitanja, inicijative i odgovori", radi odgovora na isto.

Pitanje glasi:

"U kojoj fazi je realizacija inicijative koju sam podnijela 30.01.2019.godine u svrhu preispitivanje svih zakonskih i podzakonskih akata koji regulišu materiju parafiskalnih nameta, a u cilju rasterećenja privrede Kantona Sarajevo, odnosno da li već imate određene aktivnosti u planu za sprovođenje u bliskoj budućnosti?"

Odgovor:


Ministarstvo pravde i uprave Kantona Sarajevo dostavilo je ovom Ministarstvu inicijativu zastupnice Vildane Bešlija pokrenutu na Četvrtoj radnoj sjednici Skupštine Kantona Sarajevo, održanoj 30.01.2019.godine radi postupanja po istoj.

Uvidom u evidenciju Ministarstvo je utvrdilo da je dana 28.03.2019.godine već dostavilo odgovor Skupštini Kantona Sarajevo na zastupničku inicijativu Vildane Bešlija pod brojem: 01-05-23-1210-24/19 (kopija u prilogu akta).

S poštovanjem,

Dostaviti:

- Naslovu
- Vlada Kantona Sarajevo
- a/a



MINISTAR

Damir Štrpović, mlađi brat





Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 01-05-23-1210-24/19
Sarajevo, 28.03.2019.godine

SKUPŠTINA KANTONA
N/r gosp. Elmedin Konaković, Predsjedavajući
OVDJE

Predmet: Odgovor na inicijativu zastupnice Vildane Bešlija

Ministarstvu pravde i uprave Kantona Sarajevo dostavilo je ovom Ministarstvu inicijativu zastupnice Vildane Bešlija pokrenutu na Četvrtoj radnoj sjednici Skupštine Kantona Sarajevo, održanoj dana 30.01.2019.godine, u okviru tačke Dnevnog reda "Poslanička pitanja, inicijative i odgovori", radi postupanja po istoj.

Zastupnička inicijativa odnosi se:

"na preispitivanje svih zakonskih i podzakonskih akata koji regulišu materiju parafiskalnih nameta, a u cilju rasterećenja privrede Kantona Sarajevo".

Iz oblasti prostornog uređenja navode se slijedeći propisi:

- Zakon o prostornom uređenju ("Službene novine Kantona Sarajevo", broj 7/05);
- Pravilnik o načinu formiranja Komisije za tehnički pregled građevina ("Službene novine Kantona Sarajevo", broj 10/09) i
- Cjenovnik tehničkog pregleda građevina ("Službene novine Kantona Sarajevo", broj 23/16).

Odgovor:

Zakon o prostornom uređenju ("Službene novine Kantona Sarajevo", broj 7/05) prestao je da važi dana 30.06.2017. godine odnosno nakon stupanja na snagu Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18).

Ministarstvo je u toku postupka donošenja Zakona o prostornom uređenju Kantona Sarajevo uključilo i Udruženje poslodavaca Kantona Sarajevo, te pribavilo mišljenje na prijedlog Zakona od strane Ekonomsko-socijalnom vijeću Kantona Sarajevo (u prilogu).

Prema navedenom Zakonu uz zahtjev za izdavanje odobrenja za građenje dostavlja se dokaz o uplati naknade za rentu i uređenje građevinskog zemljišta. Međutim, plaćanje navedenih naknada je kao obavezno propisano Zakonom o građevinskom zemljištu Federacije BiH ("Službene novine Federacije BiH", broj 67/05), a istu utvrđuju u svakom konkretnom slučaju nadležne općinske službe.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



Takođe, dokaz o uplati takse na zahtjev za izdavanje urbanističke saglasnosti i odobrenja za građenje, propisani su po tarifnom broju 24. člana 19. Zakona o administrativnim taksama („Službene novine Kantona Sarajevo“, br. 30/01- Prečišćeni tekst, 22/02, 10/05, 26/08 i 23/16).


Istovremeno napominjemo da su Pravilnik o načinu formiranja Komisije za tehnički pregled građevina i Cjenovnik tehničkog pregleda građevina, koji se navode u inicijativi, akti koje je donio Općinski načelnik Općine Novo Sarajevo, kao nadležni organ i primjenjuju se na području Općine Novo Sarajevo.

Imajući u vidu sve navedeno, obavještavamo vas da ovo Ministarstvo nema postupanja po inicijativi zastupnice Vildane Bešlija.

S poštovanjem,

Dostaviti:

- Naslovu
- evidencija
- a/a



MINISTAR

Dani Filipović, MA prava



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1





**EKONOMSKO - SOCIJALNO VIJEĆE
ZA PODRUČJE KANTONA SARAJEVO**

Ul. Reisa Džemaludina Čauševića br. 1., 71 000 Sarajevo, BiH

Telefon: +387 33 562 091

e-mail: esvks@mrsri.ks.gov.ba

web: <http://mrsri.ks.gov.ba/esv>


Broj: 01-60-4-26/17

Datum: 19.04.2017. godine

U skladu sa članom 3. Sporazuma o osnivanju Ekonomsko-socijalnog vijeća za područje Kantona Sarajevo broj: 02-05-33200-19.1/05 od 03.02.2006. godine, broj: 02-05-21020-16.1/11 od 30.06.2011. godine i broj: 02-05-23316-25/16 od 14.07.2016. godine, Ekonomsko-socijalno vijeće za područje Kantona Sarajevo je donijelo slijedeći:

ZAKLJUČAK

1. Ekonomsko-socijalno vijeće za područje Kantona Sarajevo podržava aktivnosti Vlade Kantona Sarajevo i Ministarstva prostornog uređenja, građenja i zaštite okoliša Kantona Sarajevo na donošenju Zakona o prostornom uređenju Kantona Sarajevo i daje pozitivno mišljenje na ponuđeni tekst prijedloga zakona.



Dostaviti:


- Premijer Kantona Sarajevo
- Ministarstvo prostornog uređenja, građenja i zaštite okoliša Kantona Sarajevo,
- Potpredsjednicima ESV KS,
- a/a.



1391
KSP
349
331

05/Knjizovnja
05.03.2019
Zubanc

Broj: 03-03-05-3736/19
Sarajevo, 22.02.2019. godine



KANTON SARAJEVO
Ministarstvo privrede
Ministarstvo finansija
Ministarstvo komunalne privrede i infrastrukture
Ministarstvo prostornog uređenja, građenja i zaštite okoliša

PREDMET: Poslanička inicijativa zastupnice u Skupštini Kantona Sarajevo Vildane Bešlija pokrenuta na četvrtoj radnoj sjednici Skupštine Kantona Sarajevo, održanoj 30.01.2019. godine, dostavlja se -

Zastupnica Vildana Bešlija na četvrtoj radnoj sjednici Skupštine Kantona Sarajevo, održanoj 30.01.2019. godine, u okviru tačke dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo pokrenula je zastupničku inicijativu, kako slijedi:

"Na osnovu člana 106. Poslovníka Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Ministarstvu pravde i uprave i upućujem inicijativu za preispitivanje svih zakonskih i podzakonskih akata koji reguliraju materiju parafiskalnih nameta, u cilju rasterećenja privrede u Kantonu Sarajevo. Ovom inicijativom potrebno je preispitati sljedeće akte:

- Zakon o šumama („Službene novine Kantona Sarajevo“, broj: 05/13);
- Zakon o turizmu („Službene novine Kantona Sarajevo“, broj: 19/16 i 31/17);
- Zakon o administrativnim taksama („Službene novine Kantona Sarajevo", broj: 30/01, 2/02, 10/05, 26/08 i 23/16;
- Zakon o sudskim taksama („Službene novine Kantona Sarajevo", broj: 36/14 i 23/16);
- Zakon o komunalnim taksama (Službene novine Kantona Sarajevo, broj: 14/06 - Prečišćeni tekst, 34/07, 2/08 – ispravka, 31/12 i 36/12 - ispravka);
- Zakon o komunalnim djelatnostima („Sl. Novine Kantona Sarajevo", br. 14/16, 43/16, 19/17 i 10/17);
- Zakon o prostornom uređenju („Službene novine Kantona Sarajevo", broj: 7/05;
- Pravilnik o načinu formiranja Komisije za tehnički pregled građevina („Službene novine Kantona Sarajevo", broj: 10/09); *Novo Sarajevo*
- Cjenovnik tehničkog pregleda građevina („Službene novine Kantona Sarajevo", broj: 23/16). *Novo Sarajevo*



OBRAZLOŽENJE

Postojanje mnoštva parafiskalnih nameta uveliko otežava i opterećuje poslovanje privrednih društava u Kantonu Sarajevo. Poslodavci smatraju da svi nivoi vlasti od općina, kantona, Federacije BiH do državnog nivoa, u nemogućnosti da kroz fiskalni sistem obezbijede potrebna sredstva za finansiranje, olako posežu za donošenjem propisa kojima kroz parafiskalne namete dodatno opterećuju rad privrednih subjekata.

U cilju stvaranja boljih uslova za nove investicije, a time i novo zapošljavanje poslodavci traže prespitanje svih zakonskih i podzakonskih akata koji regulišu materiju parafiskalnih nameta i njihovu eventualnu izmjenu odnosno stavljanje van snage.

Također, privrednici smatraju da bi za bilo kakvo uvođenje novih nameta, prethodno trebalo zatražiti mišljenje i stav Udruženja poslodavaca Kantona Sarajevo.

Opravdanost ove inicijative zasnovana je na podacima iz Izvještaja o izvršenju budžeta za 2017. godinu, koji smo razmatrali na posljednjoj sjednici Skupštine KS, a iz kojeg se vidi veliki rast prihoda u 2017. godini. To pokazuje da je poreska reforma na nivou Federacije BiH iz 2016.g. preusmjerila značajna sredstva iz realnog sektora u budžete kantona, te da postoji opravdanost za reforme koje bi vodile smanjenju poreskog opterećenja realnog sektora u Kantonu Sarajevo. Također, postoji značajan prostor za smanjenje parafiskalnih opterećenja privrednih društava u Kantonu Sarajevo.

Nekoliko bitnih činjenica o prihodima budžeta KS u 2017. godini:

- prihod po osnovu poreza na dobit preduzeća u budžetu KS je u 2017. godini bio veći za 41.000.000,00 KM, odnosno za 57% u odnosu na 2016. godinu – za toliko su smanjena sredstva realnog sektora koja su mogla biti iskorištena za povećanje plata i za ulaganja;
- prihod po osnovu poreza na dohodak kojeg plaćaju građani bio je u 2017. godini za 9.000.000.00 KM ili 7% veći nego u 2016. godini;
- kantonalne naknade su budžetu KS u 2017. godini donijele 25.000.000,00 KM (u 2016. 4.000.000.00 KM) i bile su veće za 21.000.000,00KM, odnosno za preko 500% u odnosu na 2016. godinu”.


U prilogu akta dostavlja se zastupnička inicijativa zastupnice u Skupštini Kantona Sarajevo Vildane Bešlija, te vas molimo da u okviru svoje nadležnosti, koja je propisana odredbama Zakona o organizaciji i djelokrugu organa uprave i upravnih organizacija Kantona Sarajevo (“Službene novine Kantona Sarajevo”, broj 2/12 – Prečišćeni tekst br. 41/12, 8/15 i 13/17) postupite po istoj.

S poštovanjem,

Prilog: Zastupnička inicijativa zastupnice
Vildane Bešlija, od 30.01.2019. godine.

Dostaviti:

1. naslovu,
2. Službi za skupštinske poslove Kantona Sarajevo,
3. Stručnoj službi Vlade Kantona Sarajevo,
4. a/a.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1

